



أسرمة دة واسمیان Asarama da waasamiyaan

01 بین اودوریب فودة دهی اگواسنته آمنین ایکتین۔ این بریسوہ
قلے یونانے بھلے ہدییدین ونیت ایزو یارامے ہدییدینیب
اشکیمیان۔ تامات انداس ایاب ایکتینیت تیونانے ثماریتے اڈوسنتہ
اومبایکتہ ایفرانیتت امرینتہ کیہاینہ میادیب براہ ایزو امویانہ۔

01 Been oodooriib gwida dehay Ukwaasana
aamaniin iiktiin. Een bareesooH gali
Yoonani bhali hadiidiin winneet eeraw
Y'araami hadiidiinneeb ashkiimiyaan.
Taam'at aandaas ayaab iiktiineet Tiyoonaani
tum'ariiti adhdhoosna oomb'ayka iifir'aneet
imriina kiihaayna miyaadiib baraaH eeraw
imuuyaayna.

02 اگوریہ ائمنہ ملو اودہی و آمنین کسٹوہ ہذاب ولیکیان،
«اگواسنای بھلے ماریتیت میسانیتے جلائی ایشتے نڈایت ثونہ
داییت کتے۔»

02 Ikwiriya itamna malu oodehay w'aamaniin
kassooH hiddaab waliikiyaan, «Ukwaasanaay
bhali m'ariitiit miis'anayti jillaay ishti nid'eet
tuuna daayit kitti.

03 اسیان، اسرمة دة همویسماب، فقراب، اگواسنایے شوک
اٹب واسانہ۔ تین تینتہ نسیایک نید۔

03 Isanaayaan, asarama da hamooy samaab,
fagaraab, Ukwaasanaayi shuuk atab
waasana. Teen teena nis'ibik niyad.

04 اڈمانون اگواسنایے اہلے ہای سیلانیوہ شقامیوہ
ہسئی۔» ایدین۔

04 Udamaanon Ukwaasanaayi ibhali haay
siileeleebwa shagaameebwa hassinay.» idiin.

05 این اہلے کسٹاہ اریان، اونتا استفاؤس واسیان۔ بروہ
ونیت اکرہ ایمان ایبرے، اینشوک ایتقیابی اری اناہو۔ ملیہ اری
فیلس، بروکورس، نیکاتور، تیمون، برمیناس، مسے نیکولاس
انتیو کے ہاشی ایزو ایدوے قیب سیلانیب، این بریہ واسیان۔

05 Een ibhali kassaah areeyaan, oont'a
Istifaanus waasiyaan. BaruuH winneet akra
iimaan iibri, Eeshuuk Itageegaayee aree
ataabu. Malya aree Fiilibus, Birookooras,
Niikaanoor, Tiimoon, Barmiinaas, masi
Niikoolaas Antiyooki haashii Iyahuudi geeb
siileeliib, een bareeh waasiyaan.

06 ملیہ براہ این ایندہ ایلنوممہ اویک ہای ایسیسیان۔ براہ
اؤن اشقائی جلائی واسماب ایکتینیت توناتے، ایلنوممہ بریہ
دہای سیلانیب یائینتہ کھی داسیان۔

06 Malya baraaH een eenda ilinguumama
ookiik haay eesiisiyaan. BaraaH oon
ushagaay jillaay waasamaab iiktiineet
toonaati, ilinguumama bareeh dehaay
siileeliyaaniit y'ayeesna kehii daasiyaan.

07 اگواسنایے اہلے ایزرنہ، فودة دهی اورشليم القدسی
آمین ایکتین۔ مسے فودة یهودے فقیریہ ہن اگواسنتہ آمنین
ایکتین۔

07 Ukwaasanaayi ibhali ibrarna, gwida dehay
Oorshaliim Algudsee aamaniin iiktiin. Masi
gwida Yahuudi fagiiriya han Ukwaasana
aamaniin iiktiin.

استفانوسیت تابوکی Istifaanusiit t'abuuki

08 اگواسنتہ استفانوس ماوجساتوہ فکاراتوہ ادهیے بتک ہای
ایگوسییب اکرر بیہے۔

08 Ukwaasana Istifaanus m'uujisaatwa
fakaaraatwa udehayi bitik haay iikwsiyeeb
akrir yhi.

99 مَلِيَّةٌ يَهُودِيَّةٌ دِينِي قَوِيْبٌ، فَدَقَّ دَةَ اَتُوْسَمَابِ، يَهُودِ
قَيْرَوَانِيَّوَّةَ، اِسْكَانْدَرِيَاوَّةَ، سِيْلِيْسِيَاوَّةَ، اَسِيَاوَّةَ اِيْكْتِيْنِ اَنْ بَرَاهِ
اِسْتِفَانُوْسِ بَهْلِيْسَمِيَانِ-

10 لَاكِيْنِ قَالِ هَنْ بَرِيْسُوْهَ بَرُوْهَ نَدِيْرَسَمِيَّ كِيْهَائِي- بَرُوْهَ اَشُوْكَ
اِنْتِيْقَةِ هِيَابِ اِيْكْتِيْنِيْتِ فَقَرْتِيَاتِيْ هَدِيْدِيْ-

11 مَلِيَّةٌ بَرَاهِ دَابِ قَلْبِ بَهْلِيْسَمِيَانِ «اِسْتِفَانُوْسِ اَمَاقْنَةِ مُوسَابُوَّةِ
اُكُوْاَسْنَايِ دِيْبِيْ نِمَاسُو-» اِدِيْنِ-

12 اُوْدَهِيَّوَّةَ، يَائِقِرْمَاوَّةَ، اَتُوْرَاتِيَّ كَنَانِيْقَاوَّةَ اِسْتِفَانُوْسِيْبِ
اِيْسِيْبِنَةِ- مَلِيَّةٌ يَأْبِكْنِيْتِ اَمَجْلِسِيَّ سُوْرِيْ هَائِيْ اِيْنِيَانِ-

13 قَلْبِيَّ فُوْسَرِيَّ اِسْتِفَانُوْسِيَّ كِهِيْ تَافَقِيَانِ «اُوْنِ اُوْتَاكَ اُوْنِ
اُدِيْنِيَّ قُوْبِيَّوَّةَ اَتُوْرَاتِيْبِ اَمَاقْنَةِ دِيْبِيْ نِمَاسُو-

14 مَسِيَّ بَرُوْهَ يَسُوْأُ اَنَاسِرَايِ يَائِيْتِيْتِ اُوْنِ وَهَاشِ كُوْدَسِيَّ
اِنْدِيَّ، مَسِيَّ تَاَدَةَ مُوسَةَ هِيَايُوْنِ اِيْكْتِيْنِيْتِ قَيْرَةَ اُنْدِيَّ دِيْبِيْ نِمَاسُو-»
اِدِيْنِ-

15 كَسُوْهَ اُوْدَهِيَّ بَيْنِ اَمَجْلِسِيْبِ اِيْفِيْنِ اِسْتِفَانُوْسِ اِيْسِيْبِنَةِ- بَرَاهِ
بَرِيْبَاهِ اَفِيْرِ اَمَلْكَ فِيْرِ تَائِيْتِيْبِ اَكَايِ رِهِيَانِ-

99 Malya Yahuudi diini gawiib, fadag da
atoosmaab, Yahuud Geerwaaneebwa,
Iskandariyaaywa, Siiliisyaaywa, Aasyaaywa
iiktiin aan baraaah Istifaanuus bhaliisamiyaan.

10 Laakiin gaal han bareesooch barooh
nadiirsami kiihaay. Baruuah Aashuuk
Itageega hiyaab iiktiineet fagaratiyaatee
hadiidi.

11 Malya baraaah daab galib bhaliisamiyaan
«Istifaanuus amaagna Muusaabwa
Ukwaasanaay diyee nimaasiw!» idiin.

12 Oodehaywa, y'eegrimaawwa, Utooraati
kanaaniigaawwa Istifaanuusiib iisbibna.
Malya y'abikniit umajlisi suuri haay eeyaan.

13 Gali gwisree Istifaanuusi kehii taafagiyaan
«Uun uutak oon udiini gawiibwa Utooraatiib
amaagna diyee nimaasiw.

14 Masi baruuh Yasuu'a Annaasiraay y'etiit
oon whaash kwidhsi indi, masi t'aada Muusa
hiyaayoon iiktiyeet gayyara andi diyee
nimaasiw.» idiin.

15 Kassuuh uudehay been umajlisiib iifiin
Istifaanuus iisbibna. Baraaah bariiyaah aafiir
umalaki fiir t'iiteeb akaay rhiyaan.